



Mō ngā pātai, tēnei īmēra mai ki:
NCEA.review@education.govt.nz
i tō tari Tāhuhu o te Mātauranga tata rānei

Mō ētahi atu mōhiohio, toro ki:
<https://ncea.education.govt.nz>

Hōtaka Panoni NCEA

**Te whakapakari
ake i te NCEA
mā ō tātou
taiohi**



Āhua 150,000 ngā ākonga ka whai i te mātauranga NCEA ia tau.

He aha te NCEA?

Ko Te Taumata Mātauranga ā-Motu Kua Taea (NCEA) te tohu wehe kura matua i Aotearoa. E toru ngā kaupae o te NCEA - Kaupae 1-3

Ngā panonitanga hei whakapakari ake i te NCEA						
1	2	3	4	5	6	7
Whakaritea te NCEA kia māmā ake te whakauru atu - kia kore utu, kia iti ake ngā āraitaunga mā ngā ākonga whaikaha me ngā matea tau-toko akoranga, me te kite atu o ngā ākonga i te whakaatatanga mai o ō rātou ahurea, tuakiri me te reo i roto i ngā akoranga whakaatatanga mai o ō rātou ahurea, tuakiri me te reo i roto i ngā akoranga	Mana ūrite mō te mātauranga Māori - whakarite kia mana ūrite, kia whiwhi rauemi ūrite hoki te mātauranga Māori i te NCEA, ki te whakawhanui i te āheinga ki ngā huarahi mātauranga Māori me te whakapiki i te āheinga o ngā kaiako	Whakapakari ake i te reo matatini me te pāngarau - whakarite kia whiwhi ngā ākonga whai tohu NCEA i ngā pūkenga whaitake i te reo matatini me te pāngarau hei whakarite i a rātou mō te whitinga ki te mātauranga matua, ki te wāhi mahi rānei	Kia ruarua ake, kia nui ake hoki ngā paerewa -whakawhanaketia ngā paerewa paetae me ngā rauemi hou hei whakakapi i ngā paerewa paetae katoa o te wā nei, ā, me te whakarite kia whai whiwhinga ngā wāhangā ako matua o ia marau	Whakamāmā-tia te anga o te NCEA - e kore e taea te kawe whiwhinga ki te kaupae o runga ake. Me whiwhi rawa te ono tekau whiwhinga e tutuki ai ia kaupae NCEA, tae atu ki Te Reo Matatini me te Pāngarau	He mārama ake ngā huarahi ki te mātauranga me te mahi - whakawhanaketia tētahi Tohu Whakauru Ahumahi hei tohu mārama i te takatū o te ākonga ki te whakawhitī atu ki te mātauranga ahumahi teitei ake me te whakapakari i ngā huarahi ahumahi mā te NCEA	Me noho take whiringa noa iho te NCEA Kaupae 1 - me whakarato te Kaupae 1 i ngā akoranga whānui, tūāpapa hoki e hiahia ana ki te tautoko i te mātauranga i te Kaupae 2 me te 3, arā te wāhi e āhei ai te ākonga ki te whai i ngā akoranga me te aronga whāiti ake

He aha te Hōtaka Panoni NCEA?

Ko te Hōtaka Panoni NCEA he hōtaka mahi e ārahitia ana e te Tāhuhu o te Mātauranga hei tuku i te pūhera o ngā panonitanga e whitu e aro ana ki te whakapakaritanga o te NCEA. He mea whai mōhio ngā panonitanga i ngā whakawhitī kōrero tūmatanui, kotahi tau te roa i te tau 2018, ā, i whakatūturutia e te Kāwanatanga i te Huitanguru 2020.

E mahi ana mātou i te taha o ngā kura, ngā taiohi, ngā whānau me ngā hapori ki te tuku i ngā panonitanga NCEA. Ka āta whakaurua haere ngā panonitanga hei ngā tau e rima e tū mai nei, otirā ka tau ngā paerewa paetae hou i ngā Kaupae 1, 2 me te 3 hei te 2026.



Ko te rārangī wā o te Hōtaka Panoni NCEA ka taea te kite mā te wāhitau ipurangi i raro, mā te waehere QR rānei.

<https://ncea.education.govt.nz/what-ncea-change-programme>